



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XV

Broj 10/2011
Datum: 21.11.2011.
Akti: 167 – 176

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

167.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-272/11

Kakanj: 31.10.2011. godine

Na osnovu člana 37. Zakona o prostornom uređenju ("Službene novine Zeničko-dobojskog kantona" broj: 2/04, 2/08) i člana 24. Statuta Općine Kakanj ("Službene novine Općine Kakanj", broj 4/08), Općinsko vijeće na 35. sjednici održanoj 31.10.2011.godine donijelo je

**ODLUKU
o usvajanju Regulatornog plana
„Ponijeri“ Kakanj**

Član 1.

Ovom Odlukom, usvaja se Regulatorni plan „Ponijeri“, Kakanj.

Član 2.

Granice obuhvata Regulatornog plana „Ponijeri“ Kakanj opisane su u Odluci o provođenju Regulatornog plana „Ponijeri“ i prikazane u grafičkim priložima plana.

Član 3.

Planska dokumentacija (tekstualni i grafički dio plana), čuvat će se u prostorijama Općine Kakanj (Služba za urbanizam, geodetske i imovinsko pravne poslove) i u Zavodu za planiranje i izgradnju općine Kakanj.

Član 4.

Provođenje Regulatornog plana vršit će Služba za urbanizam, geodetske i imovinsko pravne poslove Općine Kakanj, kao i druge službe Općine i Zavod za planiranje i izgradnju općine Kakanj.

Član 5.

Korištenje i namjena zemljišta u okviru obuhvata plana, vršit će se u skladu sa Regulatornim planom „Ponijeri“ Kakanj, i prema propisima Odluke o provođenju Regulatornog plana „Ponijeri“ .

Član 6.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

168.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-273/11

Kakanj: 31.10.2011. godine

Na osnovu člana 37. Zakona o prostornom uređenju ("Službene novine Zeničko-dobojskog kantona" broj: 2/04 i 2/08) i člana 24. Statuta Općine Kakanj ("Službene novine Općine Kakanj", broj 4/08), Općinsko vijeće na 35. sjednici održanoj 31.10.2011.godine donijelo je

ODLUKU

**o provođenju Regulacionog plana
„Ponijeri“ Kakanj**

I UVODNE ODREDBE

Član 1.

Ovom Odlukom utvrđuju se uvjeti korištenja, izgradnje, uređenja, zaštite prostora i objekata unutar obuhvata Regulacionog plana „Ponijeri“ Kakanj (u daljem tekstu: Regulacioni plan).

Član 2.

Regulacioni plan je provedbeni dokument koji se sastoji od tekstualnog i grafičkog dijela sa sljedećim sadržajem:

A. Tekstualni dio

- Izvod iz analitičko dokumentacione osnove;
- Projekcija izgradnje i uređenja prostorne cjeline;
- Odluka o provođenju Regulacionog plana;
- Prateća dokumentacija.

B. Grafički dio

- Izvod iz planske dokumentacije (1: 25000);
- Postojeće stanje izgrađenosti (1:1500);
- Postojeća parcelacija (1:1500);
- Postojeća namjena površina (1:3500);
- Planirana namjena površina (1: 3500);
- Urbanističko rješenje (1:1500);
- Saobraćaj (1:1500);

- Regulacija i nivelacija (1:1500);
- Planirana parcelacija (1:1500).

Član 3.

Sve intervencije u granici obuhvata Regulacionog plana moraju biti u skladu sa istim.

Za intervencije smatraju se: vršenje građevinskih i drugih radova, promjena namjene površina, izmjena regulacionih i građevinskih linija, katnosti objekata, te izmjena svih ili pojedinačnih sadržaja planiranih na ovom prostoru.

Član 4.

Provođenje Regulacionog plana vrši se na način i postupak utvrđen važećom zakonskom regulativom.

II GRANICA REGULACIONOG PLANA

Član 5.

Površina obuhvata Regulacionog plana iznosi 170,83 ha.

Granica Regulacionog plana "Ponijeri" počinje u naselju Hmeljic od najsjevernije tačke Regulacionog plana, odnosno od parcele 836/3 i spušta se ka jugu prateći istočnu granicu parcela k.č.836/3, 836/2, 829/1, 830, 831/1, 866/1, 866/2, 866/3, 866/4, 867/1, 868, 873, 950, 951, 952, 949, 953/2, 948, 954, 964/1, 977/3, skreće ka istoku prateći sjevernu granicu parcela k.č.969, 970, 971, 972, 974, 975, 976, te nastavlja ka istoku prema naselju Opaka ravan prateći sjevernu granicu puta k.č. 2571 na udaljenosti od 10m i dolazi do parcele k.č.980 i lomi se ka sjeveru prateći zapadne granice parcela k.č.980, 2600/1, 2600/11, 2600/10, 2600/9, lomi se ka jugoistoku obuhvatajući istu, a zatim ide ka jugoistoku prateći granice parcela k.č.2600/9, 2600/10, 988/12, 988/13, 988/2, 988/3, 988/4, 987/13, 987/12, 986, te se vraća ka zapadu prema naselju Ponijeri prateći južnu granicu puta k.č. 2571 na udaljenosti od 10m i dolazi do parcele k.č.1035 i nastavlja ka jugozapadu prateći granice parcela k.č.1035, 1033, 1030, 1029, 1028, 1027/1, 1026/1, zatim skreće ka jugoistoku i cijelom dužinom prati postojeće skijalište na odstojanju od cca 100m, vraća se do parcele k.č.995 i nastavlja ka jugu prateći granice parcela 995, 996/4, 996/3,

994, 993, 992, presijeca put k.č. 1012 (Zavidovići-Kakanj) i nastavlja ka zapadu prateći južnu granicu parcela k.č.1097, 1098, obuhvata parcelu 1099 i nastavlja ka sjeveru prateći zapadnu granicu parcela k.č.1094, 1093, 1092, 1088/2, 1088/1, 1086, 1083, 1080, 1074, 1070, 1069, 1068, 1060/1, 1059, 1058/9, te dolazi do puta k.č.2672 i nastavlja ka jugu prateći isti na odstojanju od 10m prema naselju Vrheblje, dolazi do parcele k.č.2922/6 i lomi se ka jugu obuhvatajući parcele k.č.2922/6, 2922/1, 2922/5, 2920/4, 2920/12, 2920/15, zatim skreće ka sjeverozapadu prateći granice parcela k.č.2925/15, 2925/20, 2925/1, 2925/22, dolazi do parcele k.č.2924 gdje se lomi ka jugozapadu prateći granice parcela k.č.2924, 2700, 2691, 2690, 2686, 2685, 2684, 2679, 2676/1, 2675, 2673, presijeca put k.č.3124 i nastavlja granicom parcela k.č.2672/1,2671 i nastavlja ka sjeveru prateći granice parcela k.č.2670, 2669, 2668, 2664, 2661, 2660, 2655/2, 2654, 2653, 2652, 2651, 2650, 2645, 2644, 2644/3, 2641/4 i dolazi do puta k.č.3123 i nastavlja istim prema naselju Jejice, te dolazi do parcele k.č.2589/4 i nastavlja ka zapadu prateći granice parcela k.č.3589/4, 2589/3, 2589/2, 2737/2, 2587/1, 2587/2, 2586, 2577, 2576, 2561, 2560, 2559, 2552, 2548, 2526, 2524, 2516, 2512, 2508, 2507, 2506, 2505, 2503, 2502, presijeca put k.č.3128 i nastavlja ka sjeveru po granici parcela k.č.2409, 2408, 2406, 2404, 2422, 2424, 2426, 2427, 2429, 2428, 2419, 2420, 2493, 2492, 2491, 2490, 2489, 2488, 2487, 2481, 2480, 2476, presijeca put k.č.3123, obuhvata parcelu 2471 i 2468 dolazi ponovno do puta k.č.2468 i prateći njegovu sjevernu granicu nastavlja ka istoku te dolazi do parcele k.č.2590 i lomi se ka sjeveru prateći granicu parcela k.č.2590, 2590/2, 2591, 2594/1, 2597, 2603, 2602/1, 2602/2, te nastavlja ka jugu prateći granice parcela k.č.2601/4, 2601/1, 2605, 2608, 2624, 2626, 2627, 2629, 2630, 2631, 2632, 2633, 2634, 2623, 2622, dolazi do puta k.č.3123 te njegovom granicom nastavlja ka naselju Vrheblje i dolazi do parcele k.č.2638 gdje se lomi ka istoku i prateći granice parcela k.č.2638, 2637/1,2637/3, 2636/1 i 2635 dolazi do puta k.č.3313 i nastavlja ka sjeveru prateći isti na odstojanju od 10m prema naselju Ponijeri i dolazi do parcele k.č.911/1, obuhvata je i nastavlja ka

sjeveru po granicama parcela k.č.909, 908, 907, 906, 905, 904, 903, 887, 881, 878/1, 878/1, 878/2, 879, te dolazi do puta k.č.2570 i nastavlja ka sjeveru prema naselju Hmeljic prateći isti na odstojanju od cca 10m te dolazi do k.č.865, obuhvata istu i prateći granice parcela k.č.864/4, 858, 857/3, 857/4, 857/5, 849, 847, 846, 845, 844, 840, 839, 837, 836/4 i 836/3 dolazi do početne tačke.

III PROSTORNE I FUNKCIONALNE CJELINE REGULACIONOG PLANA

Član 6.

Obzirom na postojeće stanje, preuzeto konceptijsko rješenje, smjernice postavljene projektnim zadatkom i odrednice predviđene planskom dokumentacijom višeg reda, urbanističkim rješenjem su formulirane prostorne cjeline, a unutar prostornih cjelina su formulirane funkcionalne cjeline –zone.

Prikaz granica prostornih i funkcionalnih cjelina dat je u grafičkom dijelu Regulacionog plana na grafičkom prilogu broj 5.

Član 7.

Prostorne cjeline su:

- Vrheblje
- Jejice
- Ponijeri
- Opaka ravan
- Hmeljic

Prostorna cjelina Vrheblje se nalazi na jugozapadnom dijelu obuhvata Regulacionog plana. Zauzima površinu od 33,37 ha.

Urbanističkom postavkom ova prostorna cjelina se sastoji od dvije funkcionalne cjeline – zone i to: vikend naselje i rekreacija.

Prostorna cjelina Jejice se nalazi na sjeverozapadnom dijelu obuhvata Regulacionog plana. Zauzima površinu od 71,37 ha.

Urbanističkom postavkom ova prostorna cjelina se sastoji od dvije funkcionalne cjeline – zone i to: vikend naselje i rekreacija.

Prostorna cjelina Ponijeri je centralni dio obuhvata Regulacionog plana. Zauzima površinu

od 42,56 ha, a i u funkcionalnom smislu predstavlja centar svih dešavanja.

Na ovom prostoru su skoncentrirane sve funkcije urbanog standarda, te ovaj prostor izdvajaju kao centralni prostor sportsko rekreativnog centra.

Urbanističkom postavkom ova prostorna cjelina se sastoji od četiri funkcionalne cjeline – zone i to: centralni sadržaji, vikend naselje, ski-staze i staze za sankanje i rekreacija.

Prostorna cjelina Opaka ravan se nalazi na istočnom dijelu obuhvata Regulacionog plana. Zauzima površinu od 5,34 ha.

Urbanističkom postavkom ova prostorna cjelina se sastoji od dvije funkcionalne cjeline – zone i to: vikend naselje i rekreacija.

Prostorna cjelina Hmeljic se nalazi na sjevernom dijelu obuhvata Regulacionog plana i funkcionira kao nastavak prostorne cjeline Ponijeri. Zauzima površinu od 12,69 ha.

Urbanističkom postavkom ova prostorna cjelina se sastoji od pet funkcionalnih cjelina – zona i to: centralni sadržaji, vikend naselje, ski-staze i staze za sankanje, rekreacija i kulturno-historijska.

Član 8.

Funkcionalne cjeline unutar prostornih cjelina su:

- centralni sadržaji,
- vikend naselje,
- kulturno-historijska,
- rekreacija,
- ski-staze i staze za sankanje.

U zoni centralnih sadržaja su skoncentrirane funkcije urbanog standarda bitne za funkcioniranje sportsko-rekreativnog centra, kao što su: smještajni kapaciteti, površine i prostori za odmor, zabavu, sport i rekreaciju, trgovina, zdravstvene usluge, sigurnosne usluge (gorska služba), regionalni ekološki centar i sl.

Vikend objekti unutar ove zone se mogu tretirati kao smještajni kapaciteti (izdavanje vikend objekata na korištenje).

Formiranjem planiranih građevinskih parcela se ograničio prostor za izgradnju objekata. Ostali prostor je okarakteriziran kao prostor namjenjen za javnu upotrebu (saobraćajne površine, rekreacija, sportske površine, pješačke staze, biciklističke staze, odmorišta, parkovi, park šume i sl.)

Zona vikend naselja je formirana u skladu sa stvorenim uvjetima. U ovoj zoni pored izgradnje vikend objekata se mogu planirati i sadržaji urbane opreme u skladu sa urbanističkim parametrima definiranih za ovu zonu. Formiranjem planiranih građevinskih parcela se ograničio prostor za izgradnju objekata. Ostali prostor je okarakteriziran kao prostor namjenjen za javnu upotrebu kao i u zoni centralnih sadržaja.

Kulturno-historijska zona je formirana u cilju zaštite kulturno-historijskog naslijeđa. Naime, unutar ove zone se nalazi spomen obilježje palim borcima iz NOR-a i palim borcima iz posljednjeg rata.

U sklopu ove zone se mogu planirati isključivo kulturni sadržaji, npr. muzej, amfiteatar (časovi historije, kulturno-umjetničke predstave, pjesničke večeri i sl.), a naročito je potrebno posvetiti pažnju uređenju prostora, odabiru urbanog mobilijara, kao i hortikulture.

Zona rekreacije je opredjeljena isključivo za aktivnu i pasivnu rekreaciju.

U sklopu ove zone moguća je izgradnja sportskih terena, biciklističkih i pješačkih staza, trim staza, odmorišta za potrebe izletnika, staza za nordijske discipline u zimskom periodu, škole u prirodi, kampiranje, izviđački logori i sl.

Zona ski-staze i staze za sankanje je namjenjena isključivo za sport i rekreaciju. Ovisno o namjeni staza (za sankanje, za skijanje ili bordanje) mora biti propisno obilježene i opremljene sa svim potrebnim elementima (npr. znakovi upozorenja, zaštitne ograde i sl.)

Na prostoru koji je opredjeljen za ski-stazu je moguća izgradnja skijaških staza sa pripadajućom opremom, pratećih površina i građevina, vučnica i stajališta žičare sa pratećom opremom, kao i postavljanje kioska (tipskih elemenata koji nisu čvrsto vezani za tlo) sa ugostiteljskim i trgovačkim sadržajima. U ciljnoj ravnini moguće je postavljanje pomičnog gledališta u slučaju utrke ili sličnih prigoda.

Izvan skijaške sezone, ove površine je moguće koristiti u druge vidove rekreacije.

Član 9.

Površine koje su Regulacionim planom formulirane kao ostale površine se uglavnom odnose na površine uz saobraćajne koridore koji povezuju prostorne cjeline. Na ovim površinama nije dozvoljena gradnja izuzev za potrebe saobraćaja.

IV URBANISTIČKO-TEHNIČKI UVJETI**Član 10.**

Urbanističkom saglasnošću za izgradnju objekata ili cjelovitih kompleksa za vršenje građevinskih i drugih radova na površini i ispod površine zemlje, kao i promjenu namjene zemljišta i objekata, zatim sječu i sadnju stabala, postavljanje stubova, reklama, odvođenje i ispuštanje otpadnih voda u otvorene vodotokove, svako nadziđivanje, doziđivanje, svaku konstruktivnu rekonstrukciju i adaptaciju koja ne spada u redovno održavanje objekata, te postavljanje ograda i podzida, utvrđuje se urbanističko-tehničkim uvjetima.

Urbanističko-tehnički uvjeti se sastoje iz tekstualnog i grafičkog dijela.

Uvjeti za izgradnju građevina**Član 11.**

Za funkcionalne cjeline u kojima je predviđena izgradnja objekata su formulirani uvjeti za izgradnju građevina.

Uvjeti za izgradnju građevina utvrđuju se urbanističkim rješenjem Regulacionog plana i važećom zakonskom regulativom za nove objekte i objekte koji se rekonstruiraju, a odnose se na:

- namjenu objekata,
- tip objekata,
- planirane parcele,
- regulacione linije,
- građevinske linije,
- nivelacione elemente,
- katnost objekata,
- arhitektonsko oblikovanje i saobraćaj.

CENTRALNI SADRŽAJI		
NAMJENA	dozvoljena	vikend objekti, javni objekti (ugostiteljstvo, smještajni kapaciteti, trgovina, sportski objekti, planinarski dom, uslužni objekti)
	uvjetno dozvoljena	zdravstveni objekti, regionalni ekološki centar
	zabranjena	privredni objekti, proizvodno – poslovni objekti, stambeni objekti
TIP OBJEKATA	slobodnostojeći	min. udaljen od susjedne parcele (r.l.) 3m, udaljenost može biti i manja uz saglasnost vlasnika susjedne parcele
	dvojni	sa jedne strane mora imati zabatni zid
	objekti u nizu	sa dvije strane mora imati zabatni zid
	atrijski i poluatrijski	min. udaljen od susjedne parcele (r.l.) 3m
	kompleks više objekata (jedna cjelina)	kompleks - min. udaljen od susjedne parcele (r.l.) 3m
PARCELACIJA	način formiranja parcela	prema regulac. rješenju uz maks. poštivanje postojećih parcela
	namjena parcela	za vikend objekte i javne objekte
	veličina parcela	200-800m ² -za vikend objekte; veće od 800 m ² za vikend objekte i javne do 3000 m ²
	mogućnosti preparcelacije	moguće dijeljenje većih i udruživanje manjih parcela
REGULACIONE LINIJE	regulacionom linijom utvrđuju se pojedinačne građevinske parcele	
	regulacionom linijom odvajaju se javne saobraćajne površine od površina namjenjenih za izgradnju građevina.	
	regulaciona linija za ogradu (kod vikend objekata i kompleksa regulira položaj ograde)	
GRAĐEVINSKE LINIJE	građevinskog bloka	udaljene od ulice od 3-5m; definiraju prostor za gradnju u zoni
	pojedinačnog objekta	za gabarit objekta
	građevinskog kompleksa	pored objekata u izgrađ. prostor uključene su i slobodne pov.
	građevinska i regulaciona linija se poklapaju	ne
	ispod nivoa terena	za jednu ili više podzemnih etaža

NIVELACIONI ELEMENTI	ulaza u objekat	(ovisno o projektu) - preporučene: +0,00; + 0,30; + 1,20
	suterenska i podrumška etaža	(ovisno o projektu) - preporučene: -1,00; -1,90; -2,20
	maks. visina	(ovisno o projektu) - do maks + 15,00 m
KATNOST OBJEKATA	planirana katnost	P; P+Pk;P + 2Pk za vikend objekte; P;P+1:P+2 za javne
	maks. katnost	S+P+2+2M (Pk); Po (jedna ili više)+P+2+2M (Pk)
	etaže ispod kote terena	suterenska; jedna ili više podrumski (ovisno o mogućnosti)
	krovne etaže, mansarde	maks. 3 krovne etaže (potkrovlja ili mansarde)
ARHITEKTONSKO OBLIKOVANJE	kompozicija i principi oblikovanja	analogija, kontrast, simetrija (ovisno o mikrolokaciji)
	krovne plohe	kosi krov (jedno, dvo i viševodni)
	materijalizacija	dozvoljena upotreba svih mat. uz ateste o kvaliteti; oblikovanje fasada – preferirati prirodne materijale
SAOBRAČAJ	pristup parceli	obvezno osigurati kolski i pješački
	interni saobraćaj	obavezan za parcele sa više objekata ili kompleks objekata
	stacionarni saobraćaj	vikend objekat 1PM / automobil, javni 1PM / 80m ²

PARCELACIJA	cjelina)	
	način formiranja parcela	prema regulac. rješenju uz maks. poštivanje postojećih k.p.
	namjena parcela	za vikend objekte i javne objekte
	veličina parcela	200-800m ² -za vikend objekte; veće od 800 m ² za vikend objekte i javne do 1000 m ²
REGULACIONE LINIJE	mogućnosti preparcelacije	moguće dijeljenje većih i udruživanje manjih parcela
		regulacionom linijom utvrđuju se pojedinačne građevinske parcele
		regulacionom linijom odvajaju se javne saobraćajne površine od površina namjenjenih za izgradnju
GRAĐEVINSKE LINIJE		regulaciona linija za ogradu (kod vikend objekata i kompleksa regulira položaj ograde)
	građevinskog bloka	udaljene od ulice od 3-5m; definiraju prostor za gradnju u zoni
	pojedinačnog objekta	za gabarit objekta
	građevinskog kompleksa	pored objekata u izgrađ. prostor uključene su i slobodne pov.
	građevinska i regulaciona linija se poklapaju	ne
	ispod nivoa terena	za jednu ili više podzemnih etaža
NIVELACIONI ELEMENTI	ulaza u objekat	(ovisno o projektu) -preporučene: +0,00; + 0,30; + 1,20
	suterenska i podrumška etaža	(ovisno o projektu) - preporučene: -1,00; -1,90; -2,20
	maks. visina	(ovisno o projektu) - do maks + 12,00 m
KATNOST OBJEKATA	planirana katnost	P; P+Pk;P+2Pk za vikend objekte; P;P+1:P+2 za javne
	maks. katnost	S+P+2+2M (Pk); Po (jedna ili više)+P+2+2M (Pk)
	etaže ispod kote terena	suterenska; jedna ili više podrumskih(ovisn o mogućnosti)
	krovne etaže, mansarde	maks. 3 krovne etaže (potkrovlja ili mansarde)
ARHITEKTONSKO OBLIKOVANJE	kompozicija i principi oblikovanja	analogija, kontrast, simetrija (ovisno o mikrolokaciji)
	krovne plohe	kosi krov (jedno, dvo i viševodni)
	materijalizacija	dozvoljena upotreba svih mat. uz ateste o kvaliteti; oblikovanje fasada – preferirati prirodne materijale

VIKEND NASELJE		
NAMJENA	dozvoljena	vikend objekti
	uvjetno dozvoljena	javni objekti (ugostiteljstvo, smještajni kapaciteti, trgovina, sportski objekti, planinarski dom, uslužni objekti)
	zabranjena	privredni objekti, proizvodno – poslovni objekti, stambeni objekti
TIP OBJEKATA	slobodnostojeći	min. udaljen od susjedne parcele (r.l.) 3m, udaljenost može biti i manja uz saglasnost vlasnika susjedne parcele
	dvojni	sa jedne strane mora imati zabatni zid
	objekti u nizu	sa dvije strane mora imati zabatni zid
	atrijski i poluatrijski	min. udaljen od susjedne parcele (r.l.) 3m
	kompleks više objekata (jedna	kompleks - min. udaljen od susjedne parcele (r.l.) 3m

SAOBRAĆAJ	pristup parceli	obavezno osigurati kolski i pješački
	interni saobraćaj	obavezan za parcele sa više objekata ili kompleks objekata
	stacionarni saobraćaj	vikend objekat 1PM / automobil, javni 1PM / 80m ²

Član 12.

(Plan parcelacije)

Plan parcelacije građevinskog zemljišta je proizašao iz datog regulacionog rješenja.

Pri izradi regulacionog rješenja nastojalo se maksimalno poštovati vlasništvo i granica postojećih parcela.

Građevinska parcela se utvrđuje prijedlogom plana parcelacije koji je sastavni dio Regulacionog plana.

Planirane građevinske parcele, ovisno o potrebi i mogućnostima se mogu udruživati i formirati veće građevinske parcele ili se dijeliti na manje građevinske parcele s tim da se zadovolje minimalni urbanističko-tehnički uvjeti (priključak na mreže saobraćajne i komunalne infrastrukture).

Maksimalni procenat izgrađenosti kao i maksimalni koeficijent izgrađenosti planiranih građevinskih parcela, određene namjene i veličine, su predviđeni po planiranim funkcionalnim cjelinama zonama i to:

ZONA	NAMJENA PARCELE	VELIČINA PARCELE	Ki (maks) parcele	Pi (%) parcele
CENTRALNI SADRŽAJI	za vikend objekat	200 - 800 m ²	0,8	20 - 25
	za vikend objekat	veće od 800 m ²	0,7	15 - 20
	javna	do 3000 m ²	1,5	30 - 50
VIKEND NASELJE	za vikend objekat	200 - 800 m ²	0,8	20 - 25
	za vikend objekat	veće od 800 m ²	0,7	15 - 20
	javna	do 1000 m ²	1,5	30 - 50

Član 13.

(Oblikovanje objekata i slobodnih površina)

U obuhvatu Regulacionog plana, urbanističkim rješenjem, su definirani orijentacioni horizontalni i vertikalni gabariti građevina, kao i regulacija i ostali urbanistički pokazatelji za sve izgrađene i neizgrađene planirane građevinske parcele.

Horizontalni i vertikalni gabariti su definirani orijentaciono radi lakše prezentacije, a u suštini će ovisiti o samom projektu (idejnom rješenju) objekta, koji će biti uvjetovan urbanističko - tehničkim uvjetima.

Kod arhitektonskog oblikovanja objekata pri izradi idejnog rješenja, kao preduvjeta u postupku izdavanja urbanističke saglasnosti, posebnu pažnju obratiti na kompoziciju.

Objekat svojim izgledom mora biti prilagođen planinskom ambijentu iz estetskih i funkcionalnih razloga. Moguća je promjena različitih gabarita, arhitektonskih elemenata, materijala odgovarajuće kvalitete, a za vanjsku oblogu treba preferirati prirodne materijale (kamen, drvo). Obzirom na prirodne planinske uvjete obavezno planirati kosi krov i to po mogućnosti da što veći broj etaža budu krovne.

Oblikovanje i uređenje prostora oko objekta potrebno je uraditi u skladu sa uvjetima koji su Regulacionim planom definirani za planirane parcele, kao i uskladiti sa arhitektonskom formom samog objekta i širim okruženjem.

Pješačke površine, kao i druge javne površine (parkove, pijacete, šetnice i sl.) oblikovati i oplemeniti adekvatnim popločanjem i urbanim mobilijarom u cilju stvaranja što ljepšeg ambijenta.

Kod oblikovanja prostora (ovisno o mikrolokaciji) mogu se primjenjivati različiti principi kompozicije, od analogije do kontrasta.

Uvjeti za izgradnju privremenih objekata

Član 14.

Izgradnja privremenih objekata na obuhvatnom području Regulacionog plana vršit će se u skladu sa važećom zakonskom regulativom.

Uvjeti za izgradnju pomoćnih objekata

Član 15.

Pomoćni objekti u smislu ove Odluke su: garaže za osobna vozila, nadstrešnice, ljetne kuhinje, šupe za smještaj ogrjeva, alata, i slični objekti.

Izgradnja pomoćnih objekata iz prethodnog stava, na području Regulacionog plana, dopuštena je u slučajevima, ako je to neophodno za

funkcioniranje glavnog objekta i može se odobriti samo unutar parcela namjenjenih za vikend objekte.

Pomoćne prostorije za planirane objekte po pravilu treba planirati u sklopu glavnog objekta i to u prizemnoj, suterenskoj ili podrumskoj etaži.

Pomoćni objekti mogu se postavljati u zadnjem dijelu parcela koje po veličini, obliku, stepenu izgrađenosti, dispoziciji ostalih objekata na parceli i sl. omogućavaju funkcioniranje tih pomoćnih objekata, pod uvjetom da se time bitno ne narušava izgled uličnog fronta.

Svaki pojedinačni slučaj izgradnje zasebnog pomoćnog objekta mora biti detaljno sagledan i definiran kroz izradu urbanističko-tehničkih uvjeta.

Član 16.

Postojeći pomoćni objekti locirani na području ovog Regulacionog plana koji nisu u skladu sa odredbama ove Odluke, moraju se porušiti u roku koji će utvrditi nadležna općinska služba nakon donošenja ovog Regulacionog plana.

Uvjeti za izgradnju privrednih objekata

Član 17.

Na prostoru obuhvata Regulacionog plana nije dozvoljena izgradnja privrednih objekata, niti držanje i ispaša životinja.

Uvjeti za uređenje građevinskog zemljišta

Član 18.

Izgradnja građevina na obuhvatnom području Regulacionog plana vrši se na uređenom građevinskom zemljištu.

Član 19.

Građevinskim zemljištem se smatra zemljište koje je u granicama obuhvata Regulacionog plana, bez obzira koje je fizičko ili pravno lice nosilac prava korištenja građevinskog zemljišta.

Član 20.

Građevinsko zemljište namijenjeno za izgradnju objekata dijeli se na građevinske parcele.

Građevinska parcela može da obuhvata jednu ili više katastarskih čestica, odnosno jedan ili više njenih dijelova.

Građevinska parcela je određena planom parcelacije koji je sastavni dio Regulacionog plana.

Član 21.

Pod uređenim građevinskim zemljištem smatra se zemljište na kojem su izvršeni radovi utvrđeni Programom uređenja građevinskog zemljišta.

Program uređenja građevinskog zemljišta radi se na osnovu Regulacionog plana, za svaku kalendarsku godinu, u skladu sa srednjoročnim Programom uređenja građevinskog zemljišta koje donosi Općinsko vijeće.

Program uređenja građevinskog zemljišta obuhvata:

1. Pripremanje građevinskog zemljišta, u svrhu izgradnje
2. Izgradnju komunalnih objekata, uređaja i instalacija, za zajedničko korištenje,
3. Izgradnju komunalnih objekata, uređaja i instalacija, za pojedinačno korištenje,
4. Budžet troškova uređenja,
5. Izvore i način finansiranja,
6. Utvrđivanje troškova i kriterija koje investitor snosi na ime učešća u troškovima uređenja zemljišta,
7. Mjere i dinamiku izvršenja radova,
8. Nosioca provođenja programa.

Pripremanje građevinskog zemljišta u svrhu izgradnje obuhvata:

- rješavanje imovinskopravnih odnosa,
- parcelaciju zemljišta,
- geološka, geomehanička, seizmička ispitivanja zemljišta, sa odgovarajućim izvještajima i analizama,
- uklanjanje postojećih građevina, premještanje nadzemnih i podzemnih instalacija u skladu sa Regulacionim planom,
- izradu tehničke dokumentacije,
- sanacione radove (odvodnjavanje, nasipanje, ravnanje zemljišta i slično).

Kao komunalni objekti i instalacije za zajedničko korištenje, u smislu prostornog uređenja smatraju se:

- ulice (pločnici, skverovi, prilazni putevi, trgovi, parkirališta i sl.),
- zelene površine (nasadi, travnjaci, drvoredi i sl.),

- uređenje rekreativnih terena, parkova, igrališta, šetnica i sl.,
- objekti, uređaji i instalacija za javnu rasvjetu,
- objekti i uređaji za održavanje javne čistoće,
- izgradnja uređaja za odvod površinskih voda i
- regulaciju vodotoka i uređenje obala voda i vodnih površina,

Kao komunalni objekti, uređaji i instalacije za pojedinačno korištenje, u smislu prostornog uređenja, smatraju se:

- objekti, uređaji i instalacije vodovoda i kanalizacije,
- instalacije, uređaji i objekti električne i toplotne energije,
- objekti, uređaji i instalacije PTT saobraćaja i
- objekti i uređaji za prevoz putnika u javnom saobraćaju.

Član 22.

Minimum uređenja građevinskog zemljišta osigurava:

- snabdijevanje vodom i rješenje otpadnih voda,
- kolski prilaz građevinskoj parceli i
- snabdijevanje električnom energijom.

Uvjeti korištenja zemljišta na zaštitnim infrastrukturnim pojasevima i zaštićenim područjima

Član 23.

Izgradnja objekata i vršenje drugih radova ne može se vršiti na zemljištu koje je utvrđeno kao zaštićeno (zaštitni infrastrukturni pojas, zaštitni pojas uz saobraćajnicu, zaštitni pojas uz vodotok i sl.).

Izuzetno, izgradnja objekata i vršenje drugih radova na zaštićenom zemljištu može se odobriti, samo ako takva izgradnja i radovi služe u svrhu zaštite uz odobrenje nadležne institucije

Član 24.

Širinu zaštitnog pojasa uz kanalizacione, vodovodne i elektro primarne vodove osigurati u skladu sa zakonom i odlukama preduzeća koja upravljaju predmetnim infrastrukturnim sistemima.

Član 25.

Širina zaštitnog pojasa uz javne ceste (zaštitni cestovni pojas) mjeri se od vanjskog ruba zemljišnog pojasa (cestovni pojas) sa svake strane i iznosi:

- regionalne ceste 10,0 m
- lokalne ceste 5,0 m
- za gradske saobraćajnice definirana je građevinskom linijom objekata, uz uvjet da se osigura trokut preglednosti.

Uvjeti za privremeno korištenje površina rezerviranih za druge namjene

Član 26.

Na površinama koje su rezervirane Regulacionim planom za planiranu infrastrukturu, kao i ostale planirane namjene utvrđene Regulacionim planom ne mogu se graditi objekti niti vršiti građevinski radovi koji nisu u skladu sa istom.

Na površinama navedenim u prethodnom stavu izuzetno se može dozvoliti izgradnja privremenih objekata i privremeno korištenje ovog zemljišta u skladu sa važećom zakonskom regulativom.

Uvjeti za zaštitu ljudi i materijalnih dobara od ratnih djelovanja i elementarnih nepogoda

Član 27.

U cilju zaštite ljudi i materijalnih dobara od elementarnih nepogoda i ratnih dejstava, provodit će se mjere zaštite utvrđene od strane nadležnog organa odbrane.

Član 28.

Prilikom projektiranja i izgradnje objekata, neophodno je primijeniti mjere zaštite u skladu sa važećim tehničkim propisima i važećom zakonskom regulativom.

Član 29.

Pored mjera utvrđenih drugim propisima i aktima, neophodno je, u postupku izdavanja urbanističke saglasnosti, definirati urbanističko-građevinske mjere zaštite od ratnih razaranja i elementarnih nepogoda, koje uključuju slijedeće:

- da svi objekti budu izgrađeni od materijala otpornih na štetne utjecaje ratnih djelovanja i elementarnih nepogoda

- da se podrumске, odnosno suterenske etaže, konstruktivno prilagode navedenim uvjetima.

Uvjeti za sprečavanje stvaranja barijera za osobe sa umanjnim tjelesnim sposobnostima

Član 30.

Izgradnja objekata, saobraćajnica i drugih površina mora biti takva da osigura nesmetano korištenje za osobe sa umanjnim tjelesnim sposobnostima (u skladu sa važećim tehničkim propisima i važećom zakonskom regulativom).

Uvjeti za uređenje fasada, postavljanje ograda i postavljanje stubova, reklamnih panoa i elemenata urbanog mobilijara i privremeno zauzimanje zemljišta

Član 31.

Uvjeti za uređenje fasada utvrđuju se urbanističko-tehničkim uvjetima, u skladu sa smjernicama datim u članovima 11. i 13. ove Odluke.

Član 32.

Ograda, odnosno podzida, se može postaviti na regulacionu liniju ili oko uređenih zelenih površina, cvjetnih površina, kao i oko prostora za koje se ukaže potreba, a nadležna općinska služba to odobri.

Ograda između dvije susjedne parcele ili ulice ne može biti viša od 2 m a materijalizacijom, bojom i oblikom mora biti prilagođena okruženju.

Na građevinskom zemljištu, utvrđenog Regulacionim planom zabranjeno je podizanje ograda od bodljikave žice. Postojeće ograde od bodljikave žice potrebno je ukloniti u roku koji odredi nadležna služba Općine.

Ograde gradilišta moraju biti visoke 2,00m i građene od punog, neprovidnog materijala.

Ograde uz ulice se moraju redovno održavati.

Vrata i kapije uličnih ograda ne smiju se otvarati prema ulici.

Član 33.

Postavljanje oglasnih stubova, reklamnih panoa i drugih elemenata urbanog mobilijara (klupe, žardinjere, rasvjeta, korpe, hladnjaci i sl.) planirati uz pješačke komunikacije uz uvjet da ne ometaju

funkcioniranje saobraćaja, ulazak u objekat i sl. U pogledu materijala, boje i načina izrade, ove elemente prilagoditi izgledu mjesta, ulice i okoline (planinski ambijent).

Član 34.

Do konačne realizacije Regulacionog plana, neizgrađeno građevinsko zemljište može se koristiti u druge svrhe koje ovim Planom nisu predviđene, uz uvjet da privremena namjena neće ometati osnovnu namjenu prostora (npr. parkirališta, sajmišta i sl.).

Uvjeti za uređenje zelenih i slobodnih površina

Član 35.

Uređenje zelenih i slobodnih površina u obuhvatu Regulacionog plana mora biti u skladu sa prirodnim ambijentom, što podrazumjeva očuvanje autohtonih vrsta biljaka.

V ODNOS PREMA POSTOJEĆIM OBJEKTIMA

Član 36.

Postojeći objekti koji su zadržani urbanističkim rješenjem, trajno će se zadržati ukoliko se za njih može izdati dokumentacija o građenju u skladu sa Regulacionim planom i zakonskom regulativom.

Član 37.

Postojeći objekti koji nisu zadržani urbanističkim rješenjem, a ne ugrožavaju korištenje prostora, odvijanje saobraćaja i sl., mogu se privremeno zadržati do realizacije Regulacionog plana.

Za ove objekte nije dozvoljeno dograđivanje, nadziđivanje, niti se na njima mogu vršiti adaptacije izuzev radova tekućeg održavanja.

Član 38.

Postojeći objekti koji nisu zadržani urbanističkim rješenjem, a koji ugrožavaju korištenje prostora, odvijanje saobraćaja, sigurnost korisnika prostora ili su u ruševnom stanju moraju se ukloniti u roku koji utvrdi nadležna općinska služba nakon donošenja Regulacionog plana.

Član 39.

Postojeći objekti na zaštićenim infrastrukturnim pojasevima i zaštićenim područjima (u potpunosti ili dijelom) u okviru Regulacionog plana ne mogu se dograđivati niti nadziđivati niti se na njima mogu vršiti adaptacije bez saglasnosti nadležnih institucija, izuzev radova tekućeg održavanja.

Član 40.

Postojeći bespravno izgrađeni objekti su objekti koji su bez odobrenja izgrađeni, rekonstruirani, nadzidani, dograđeni ili započeti (betonirani temelji).

Član 41.

Legaliziranje bespravno izgrađenih građevina može se vršiti ukoliko su građevine u skladu sa Regulacionim planom, a koje su ranije započete, izgrađene, dograđene (u svojim horizontalnim i vertikalnim gabaritima), rekonstruisane ili sanirane bez odobrenja za građenje, kao i građevine za koje postoji odobrenje za građenje, ali je investitor odstupio od uvjeta propisanih u odobrenju za građenje.

VI SPREČAVANJA NEPOVOLJNIH UTJECAJA NA OKOLIŠ**Član 42.**

U cilju sprečavanja nepovoljnih utjecaja na okoliš, neophodno je osigurati sve potrebne mjere, koje podrazumijevaju slijedeće:

- za sve planirane, kao i izgrađene objekte, potrebno je osigurati dovod pitke vode, kao i propisnu odvodnju otpadnih i oborinskih voda,
- adekvatno urediti površine za odlaganje otpada na parcelama od strane njihovih vlasnika, u svrhu efikasnog prikupljanja i odvoza otpada od nadležnog komunalnog preduzeća,
- zaštititi zrak, tlo i vodu u smislu zabrane korištenja i ispuštanja otrovnih plinova, prašine, hemijskih sredstava i slično,
- sačuvati biodiverzitet koji podrazumjeva novu koncepciju očuvanja sveukupne biološke i pejzažne raznolikosti, te osiguranja održivog korištenja prirodnih resursa,
- za pojedinačno zagrijavanje objekata primjenjivati samo električnu energiju i

- kvalitetne vrste čvrstih ekoloških goriva (drvo, peleti, briketi),
- zabranu sječe šuma na način koji ugrožava eko-sistem (neplanska sječa šuma te njena eksploatacija upotrebom šumskih traktora i sl.),
- zabranu eksploatacije mineralnih sirovina,
- zabranu nekontrolisanog odlaganja otpada,
- zabranu svakog drugog oblika narušavanja ambijenta i korištenje prostora i sadržaja na predviđenim i i obilježenim mjestima i
- druge mjere u cilju zaštite i sprečavanja nepovoljnih utjecaja na okoliš.

VII PRIJELAZNE I ZAVRŠNE ODREDBE**Član 43.**

Odluka stupa na snagu osmog dana od dana objavljivanja u "Službenim novinama Općine Kakanj".

**PREDSEDavajući
OPĆINSKOG VIJEĆA**

Ivica Petrović, s.r

169.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-274/11

Kakanj, 31.10.2011. godine

Općinsko vijeće na svojoj 35. sjednici, održanoj dana 31.10.2011.godine, u postupku davanja saglasnosti za utvrđivanje namjene i parcelacije mikrolokality, u obuhvatu Prostornog plana općine Kakanj, na osnovu člana 24. Statuta Općine Kakanj ("Službene novine Općine Kakanj", broj: 4/08), donijelo je

ODLUKU

**o davanju saglasnosti za utvrđivanje namjene
i parcelacije mikrolokality**

Član 1.

Ovom Odlukom daje se saglasnost za utvrđivanje namjene i parcelaciju mikrolokality u obuhvatu Prostornog plana općine Kakanj i to za mikrolokality Kamare, u svrhu izgradnje azila za pse.

Član 2.

Parcela za izgradnju objekta – azil za pse ima oznaku k.č.br. 2087/3 (po starom premjeru k.č. br. 1676/51, k.o. Obre) pašnjak IV kl. „Ravan“ u površini 4.794m², k.o. Bukovlje, upisana u el.z.k.ul.br.1434 kao opštenarodna imovina 1/1.

Član 3.

Uslovi i način korištenja ovog objekta, kao i povjeravanje upravljanja istim regulisaće se posebnom odlukom.

Član 4.

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

**PREDSJEDAVALAČI
OPĆINSKOG VIJEĆA**

Ivica Petrović, s.r

170.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-279/11

Kakanj, 31.10.2011. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 35. sjednici održanoj dana 31.10.2011. godine, donijelo je

O D L U K U

o usvajanju Plana otplate neizmirenih kreditnih obaveza utrošenih za „Rehabilitaciju vodosnabdijevanja grada Kaknja“

Član 1.

Usvaja se Plan otplate neizmirenih kreditnih obaveza za period od 2011. godine do 2021. godine utrošenih za rehabilitaciju vodosnabdijevanja grada Kaknja.

Član 2.

Plan otplate neizmirenih kreditnih obaveza za period od 2011. godine do 2021. godine, utrošenih za rehabilitaciju vodosnabdijevanja grada Kaknja, je slijedeći:

R. br	GODINA DOSPIJEĆA	OPĆINA KAKANJ	JP „VODOKOM“
1.	2011.	100.000,00 KM	/
2.	2012.	200.000,00 KM	/
3.	2013.	200.000,00 KM	/
4.	2014.	200.000,00 KM	/
5.	2015.	200.000,00 KM	656.328,57 KM
6.	2016.	200.000,00 KM	656.328,57 KM
7.	2017.	200.000,00 KM	656.328,57 KM
8.	2018.	200.000,00 KM	656.328,57 KM
9.	2019.	200.000,00 KM	656.328,57 KM
10.	2020.	200.000,00 KM	656.328,57 KM
11.	2021.	200.000,00 KM	656.328,57 KM
U K U P N O		2.100.000,00 KM	4.594.300,00 KM

Član 3.

Kreditne obaveze utvrđene po godinama dospjeća, Općina će otplaćivati kvartalno iz sredstava Budžeta planiranih za te namjene.

Član 4.

Ovom Odlukom, stavlja se van snage Odluka o usvajanju prijedloga Plana otplate neizmirenih kreditnih obaveza utrošenih za rehabilitaciju vodosnabdijevanja grada Kaknja broj: 0-01/1-54/10 od 30.03.2010. godine („Službene novine Općine Kakanj“, broj: 3/10)

Član 5.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj.“

**PREDSJEDAVALAČI
OPĆINSKOG VIJEĆA**

Ivica Petrović, s.r

171.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-275/11

Kakanj, 31.10.2011. godine

Na osnovu člana 13.stav 2. tačka 16. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06 i 51/09) i člana 24. stav 1. tačka 19. Statuta Općine Kakanj („Službene novine Općine Kakanj“, broj: 4/08), Općinsko vijeće na 35. sjednici održanoj dana 31.10.2011. godine, donijelo je

ODLUKU

**o usvajanju Elaborata o opravdanosti osnivanja
Muzeja grada Kaknja**

Član 1.

Ovom odlukom, Usvaja se Elaborat o opravdanosti osnivanja Muzeja grada Kaknja koji je izradila radna grupa imenovana rješenjem Općinskog načelnika broj: 0-02/1-1586/10 od 18.05.2010. godine

Član 2.

Sastavni dio ove Odluke je Elaborat o opravdanosti osnivanja Muzeja grada Kaknja.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj.“

**PREDSJEDAVAJUĆI
OPĆINSKOG VIJEĆA**
Ivica Petrović, s.r

172.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-302/11

Kakanj, 31.10.2011. godine

Na osnovu člana 24. stav 1. tačka 19. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 35. sjednici održanoj 31.10.2011. godine donijelo je

**Odluku o usvajanju Elaborata o opravdanosti
osnivanja Muzeja grada Kaknja**

uz slijedeći

ZAKLJUČAK

1. U Elaboratu o opravdanosti osnivanja Muzeja grada Kaknja, u dijelu koji elaborira broj zaposlenika, dodaju se sljedeće pozicije odnosno radna mjesta:
 - a. „Stručni saradnik za informisanje i promociju kulturno-historijskog blaga općine Kakanj“ i
 - b. „Kustos u muzeju i knjižnici u Franjevačkom samostanu u Kraljevoj Sutjesci“.
2. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Ivica Petrović, s.r

173.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-276/11

Kakanj, 31.10.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 35. sjednici održanoj 31.10.2011. godine, prihvatilo je

Informaciju o stanju u osnovnim školama na području općine Kakanj na početku školske 2011/12 godine

uz slijedeće

ZAKLJUČKE

1. Da se u općinskom budžetu za narednu godinu planira posebna stavka koja bi omogućila određenu novčanu pomoć osnovnim školama, kada su u pitanju manja ulaganja i kada je u pitanju finansiranje vannastavnih aktivnosti, a da se u prioritet uzmu slijedeće osnovne škole:
 - a) OŠ „Hamdija Kreševljaković“ – zamjena stolarije
 - b) OŠ „15. april“ – područna škola Gora – rješavanje vodosnabdijevanja
 - c) OŠ „Rešad Kadić“ – rješavanje problema odvoza smeća
2. Da se školski odbori i direktori u osnovnim školama maksimalno angažiraju na uključivanju nadležnog kantonalnog ministarstva u rješavanje neophodnih potreba osnovnih škola na području općine Kakanj.
3. Za realizaciju ovih Zaključaka zadužuju se Služba za finansije Općine Kakanj, školski odbori i direktori osnovnih škola na području općine Kakanj.
4. Ovi Zaključci stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVALA
OPĆINSKOG VIJEĆA**

Ivica Petrović, s.r

174.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-277/11

Kakanj, 31.10.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 35. sjednici održanoj 31.10.2011. godine, *prihvatilo je*

Informaciju o stanju u srednjim školama na području općine Kakanj na početku školske 2011/12 godine

uz slijedeće

ZAKLJUČKE

1. Da se u općinskom budžetu za narednu godinu planira posebna stavka koja bi omogućila novčanu pomoć srednjim školama u iznosu od 15.000,00KM za slijedeće potrebe:
 - a) Osvjetljavanje prostora između Gimnazije i fiskulturne sale, betoniranje stazica i postavljanje klupa u školskom dvorištu – 2.000,00KM
 - b) Instaliranje videonadzora u Srednjoj tehničkoj školi „Kemal Kapetanović“ – 3.000,00KM
 - c) Izgradnja učionice u Srednjoj stručnoj školi Kakanj – 5.000,00KM
 - d) Obilježavanje dana škole i vannastavne aktivnosti koje se provode u svim srednjim školama – 5.000,00KM
2. Da se školski odbori i direktori u srednjim školama maksimalno angažiraju na uključivanju Ministarstva za obrazovanje, nauku, kulturu i sport ZE-DO kantona u rješavanje infrastrukturnih potreba srednjih škola na području općine Kakanj.
3. Da se omogući upis i posveti posebna pažnja školovanju kadrova za deficitarne zanate (bravari, zidari, stolari, limari) kako bi se izbjeglo školovanje kadrova za suficitarna zanimanja.

4. Da se posveti posebna pažnja vannastavnim aktivnostima kao i obavljanju praktične nastave i s tim ciljem uspostavi saradnja sa privrednim subjektima na području općine Kakanj.
5. Za realizaciju ovih Zaključaka zadužuju se Služba za finansije Općine Kakanj, školski odbori i direktori srednjih škola na području općine Kakanj, svako u okviru svoje nadležnosti.
6. Ovi Zaključci stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

175.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-278/11

Kakanj, 31.10.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 35. sjednici održanoj 31.10.2011. godine, razmatrajući:

Informaciju o problemu ispaše stoke u MZ Seoce

usvojilo je slijedeći

ZAKLJUČAK

1. Da Općinski načelnik formira radnu grupu koja će u okviru svoje nadležnosti nastaviti sa aktivnostima na rješavanju problema ispaše stoke i nehumanog držanja životinja u MZ-i Seoce od strane Đondraš Ante uz uključivanje nadležnih organa: Službe za poduzetništvo, društvene djelatnosti, eko zaštitu i inspeksijske poslove – odsjek za inspeksijske poslove, Općinskog suda, Policijske stanice, Centra za socijalni rad, Ministarstva za poljoprivredu, šumarstvo i vodoprivredu, Kantonalne uprave za inspeksijske poslove – glavnog kantonalnog veterinarskog inspektora, Civilne zaštite i

Veterinarske stanice, a da se aktivnosti na okončanju ovog problema riješe do kraja ove godine, odnosno do 31.12.2011. godine.

2. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

176.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-280/11

Kakanj, 31.10.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće, razmatrajući Izvještaj Komisije za izbor u regulirane organe, na 35. sjednici održanoj 31.10.2011. godine, donijelo je slijedeći

ZAKLJUČAK

1. Poništava se javni oglas za izbor i imenovanje članova Upravnog odbora Javne ustanove za kulturu i obrazovanje Kakanj raspisan po Zaključku Općinskog vijeća broj: 0-01/1-82/11 od 31.03.2011. godine („Službene novine Općine Kakanj“, broj: 4/11).
2. Da se ponovo raspiše i objavi javni oglas i provede postupak izbora i imenovanja članova Upravnog odbora Javne ustanove za kulturu i obrazovanje Kakanj.
3. Za sprovođenje ovog Zaključka zadužuje se Komisija za izbor u regulirane organe Općinskog vijeća.
4. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

S A D R Ž A J

“SLUŽBENIH NOVINA OPĆINE KAKANJ” BROJ 10/11

167. Odluka o usvajanju Regulacionog plana „Ponijeri“ Kakanj	1
168. Odluka o provođenju Regulacionog plana „Ponijeri“ Kakanj	2
169. Odluka o davanju saglasnosti za utvrđivanje namjene i parcelacije mikrolokaliteta.....	11
170. Odluka o usvajanju Plana otplate neizmirenih kreditnih obaveza utrošenih za „Rehabilitaciju vodosnabdijevanja grada Kaknja“	12
171. Odluka o usvajanju Elaborata o opravdanosti osnivanja Muzeja grada Kaknja	13
172. Zaključak uz Odluku o usvajanju Elaborata o opravdanosti osnivanja Muzeja grada Kaknja	13
173. Zaključci uz Informaciju o stanju u osnovnim školama na području općine Kakanj na početku školske 2011/2012 godine.....	14
174. Zaključci uz Informaciju o stanju u srednjim školama na području općine Kakanj na početku školske 2011/2012 godine.....	14
175. Zaključak uz Informaciju o problemu ispaše stoke u MZ Seoce	15
176. Zaključak o poništenju i ponovnom objavljivanju javnog oglasa za izbor Upravnog odbora JU za kulturu i obrazovanje Kakanj.....	15